

卷四之五

附挹青樓詞

石樵遺稿

琳琅新館詩集



830910

琳琅新館詩卷四

庚子

庚子元旦

昭文 俞鍾詒

調青

雲物書祥氣象妍南枝梅綻早春天集編嘯月新刊本
經校宣和舊紀年偕老誰云梁孟樂宜家尤賴子孫賢
薊門煙樹秦淮柳好放秋風得意船
劉君石香歸自津門閨中秋前夕重游虞山下榻
挹青喜而賦此兼呈松禪舅氏

後先同作析津遊又約平原十日留贈帶論交僑與札
琳琅新館詩 卷四

聞雞起舞祖偕劉棋枰未穩全盤局漁具能容一葉舟
大字特書詩史例挹青樓上閨中秋

薄暮蒼茫風雨來居然天許草堂開當年圖史懷中秘
此日星辰識上台戰壘腥膏平野血軍麾氣短濟時才
西山廬墓原相近莫漫漁蓑笠履猜

劉石香屬題寄漚書巢圖

翰墨因緣廿載交我來頻訪寄漚巢崎嶇虞阪身親歷
點注義經手自鈔丹鼎未妨成舍利芥舟儘許泛堂坳
題詩參破逃禪客絕勝揚雄作解嘲

石香來虞留八日而去詩以送之

一肩行李返鄉關童冠相隨送客還張翰秋風蓴與鱸
米顛粉本水兼山交情況是齊年契詩稿都從倚枕刪
今夜新塘橋畔月引入清夢照離顏
老至猶餘腰腳頑煙霞漫把俗塵刪閒鷗海闊翔而集
隻鶴天空去復還雲戀晴嵐蒸石氣松涵秋影護禪關
與君世外尋招隱五里湖邊雪浪山

松禪舅氏和章聯寫成幅見贈倒用鴉字韻報謝
翰墨龍蛇走光芒海曙霞農閒牛嚼草江遠鷺眠沙曉
月催征騎寒霜拂劍花明朝晴未定雲暗滿天鴉

桃源春不老何處武陵霞鶴影霄衝月江聲夜走沙漁

琳琅新館詩

卷四

二

晉鄰蟹椹詩夢穩蘆花戩骨荒郊冷啾啾遶樹鴉

辛丑

辛丑元旦

歲尾年頭氣候參梅花時節又江南濠梁息偃知魚樂
風月清閒抵掌談論齒我叨居第一舍飽孫喜隊成三

六朝山色秦淮柳倘許征人小駐驂

五月內子六十生辰詩以壽之

居然梁孟頌齊年人羨康強百鍊堅添線尙勞鍼荷手
持家奚獨米鹽肩兒孫日愜趨庭樂賦稅愁支負郭田
老鳳雛凰相應和新詩自寫浣花牋

五月晦日至六月六日簷溜澎湃雨勢猛注東南
田疇並成澤國十七夜東北風起黑雲漫天海
潮陡高數尺沿海鎮市盡爲浸沒凡五晝夜作
詩以告天

日日愁霖不肯晴黑雲如箭向西行天蒸雨氣山無影
風打海潮夜有聲四野炊煙厨乏食六州錯鐵帳談兵
淋鈴漫唱郎當曲長吏猶催隔歲征

龍捲滄溟白浪遙大江又湧海門潮雁鴻悽咽寒衝塞
風雨漂搖屋撼宵積水通塘圩岸蹶餘霞散綺晚虹消
畫圖誰繪流民冊當道還聞補植苗

琳琅新館詩 卷四

辛丑仲冬兒孫輩治酒款客佑仲贈詩賦此奉答
兼呈松禪舅氏

梅花酒熟座添春弧悅將逢六十辰梁孟儘容漁釣隱
弟兄難得性情真龍跳虎臥淋漓筆
松禪舅氏贈聯曰伯鸞孟光可稱漁隱東坡叔黨更喜詩孫 鶴髮童顏老健身時局漫勞增感慨忌公
人是惜公人

辛丑除夕

風雨江城警曉雞霜郊嘹唳雁行低漁樵難得三人合
謂三 花甲將開六秩齊鐵騎尙屯遼海外畫圖重寫鴿
漁 峯西新成禪漁聯唱長卷治生無計謀生拙學圃新栽菜滿畦

戎馬倉皇屢播遷廢書忍讀黍離篇催科仍重三吳賦
改漕折加地丁陳案全翻五百年廢制戰壘已銷塵化土銅山
未許氣衝天停捐佛燈好證詩龕月來結松蘿畫裏禪

壬寅

壬寅元旦六十自壽六律

偕老稀逢六十春白頭慚作海虞民傳家詩禮庭前樂
負郭田園劫後塵鐵甕江山成舊夢金陵風月寄吟身
棕鞵藤帽逍遙慣誰識宣南薄宦人

敢倚疎狂妄自尊蓬蒿滿徑閉衡門齊眉漫詡梁偕孟
繞膝居然子與孫舊蓄圖書存荆架新栽花木傍籬根

琳琅新館詩

卷四

四

豐臺芍藥秦淮柳重話鴻泥雪印痕

倉皇宵騎走咸陽豆剖瓜分議劃疆聚鐵有人成鑄錯

築臺無計索逋償徵收黑夜官符急經史青燈舉業荒

時局如斯家累重補牢應亦悔亡羊

海天帆影渺塵寰一雁南飛自北還馬齒漸增衰老態

世情勘破利名關三橋棹泛雲棲月

小雲棲

五里湖尋雪

浪山河朔卻非元好問那容動輒得嘲訕

元好問詩六年河朔州動

輒得

謗訕

天

天

天

天

天

天

樵兄漁弟久忘形脫稿詩成語性靈花縣課桑翻治譜

書巢話雨試茶經迢迢鄉夢隨秋雁落落交游數曙星

豈有神仙瀛島在玉壺清澈讀黃庭劉石香號梁漁陳有庚號昆漁余以

尚漁自號戲稱三漁寄
漚書巢石香齋名也

西涇新館築琳琅綠樹陰濃跨石梁扶杖閒行忘我老

乘軒得意看人忙聯鑣竹馬三孫戲結伴雲山五嶽裝

擲筆寄將城北去酒龍詩虎細評商余詩脫稿輒以就
正宗俠儔明經酒

龍詩虎俠
老印章也

七月十八日冠兒棹發秦淮應省試

涼秋梧葉報先聲又整行裝紀遠程鄉思漫勞頻入夢

好山熟見漸知名湖通黃埠中流峙塔倚雲陽古堞迎

燈火萬家人語雜收帆直到潤州城

琳琅新館詩卷四

五

江天浩蕩走征鴻沙鳥雲帆指顧中鐵甕青山迎北固

秣陵黃葉戰西風包羅史事羣經富涉獵瀛寰六藝通

悟到靈心原活潑墨光騰奮氣如虹

冠兒試還

金焦秋兩點題句妙高臺山色迎人喜燈花隔夜開風

簷催晷刻樽酒洗塵埃跳躍雛孫戲相隨伯仲來

西山道中有懷宗俠儔明經

拂水三橋去復還扁舟蕩漾出城關雲帆飛渡樹中樹

湖氣倒涵山外山冷落秋風增我感叢殘詩稿待君刪

先生莫問當時事醉夢由來鐵石頑

書有庚函後兼簡石香

清福神仙未易脩誰從縹緲識瀛洲恥將傲骨逢迎世
戲引雛孫放浪遊驛路騎催茆店月曉霜雁叫海天秋
蓴鱸應動詩人夢浩蕩乾坤一葉舟

田園月夜讀小蓬瀛傳奇有感

香燼篆煙銷城更警麗譙霜欺花有劫人去月無聊燈
影寒窗夢松聲靜夜潮石填精衛鳥碧海漫相招

壬寅除夕

羅浮莫漫證前身甲子將開第二巡吳苑鶯花餘爛熳
秦淮席帽走風塵雛孫襁褓閒攜膝嘉耦朱陳許締姻

琳琅新館詩

卷四

六

消盡熱中名士氣湖山自署老漁人

三孫樹菜童稚
四孫樹庭襁褓

癸卯

癸卯元旦

歲紀重逢癸卯春椒觴又喜草堂陳兒孫自得庭闈樂
梁孟猶餘老健身婚嫁儉豐憂累重湖山風月及時新
田園江左催征急寥寥落眠雲跂石人

汪芙生刺史久宦浙中不相見者十年矣頃自武

林寄詩介壽賦此奉答兼呈劉石香

山中猿鶴久忘形落落交游數曙星今夕海虞城畔月
引人清夢到西泠

戰血成燐草不春神州莽莽劫餘塵如何風雨漂搖夜
猶有酣嬉醉夢人

老友劉石香歸自京津三月來虞下榻挹青樓握
手話舊夜闌秉燭絮語庚辛京津殘破景况留
四日而去譚次成詩

春水粼粼漲綠波舊交重喜草堂過雲山遊計完婚嫁
湖海生涯託釣蓑妄念神仙題外想高譚道學熱中多
維摩善病尋常事一笑終嫌語太苛

古寺尋梅雪載途僧寮蔬饌供伊蒲鏡奩平攬晴湖勝
紙帳寒清鶴夢孤氣誼夙敦君與我笑譚偶謔亮兼瑜
琳琅新館詩 卷四

七

明朝鵝鴿峯前去重繪禪漁第二圖

澄澈冰壺鑑易真東風嘘拂滿山春樵兄漁弟齊年契
鶴髮童顏壽者身漫道補瘡能剗肉不從温故豈知新
松聲靜與禪心應棒喝原難索解人

朋儕聚散本搏沙燕北歸來海上槎游倦客翻雲戀岫
語長人翦燭生花交鄰遑恤毆叢爵原富還愁畫足蛇
莫話雪泥鴻爪夢宣南我亦舊停車

七月二十日冠兒棹發秦淮應省試同伴席浴章

裕仁 從姪淮蓀 鴻翔 兩茂才

迎秋梧葉作新涼又踏槐花八月黃聯榻喜敦兄弟誼

紀程多半水雲鄉
荻蘆吹雪風搖岸
茆店橫橋板着霜
奇氣江山開悟境
淋漓墨瀋馬班香

潤州西去秣陵遙
大好東風穩趁潮
山勢迴翔趨北固
江聲浩瀚走南朝
雲煙滿紙揮毫疾
湖海雄心借酒澆
記得登臨秋夜月
浮漚兩點數金焦

百里冠兒歸述途
次瑣事燈右成詩

燕子磯頭浩蕩中
恰來神助馬當風
秋江弱柳銜霜翠
絳影斜陽曝背紅
塵夢漫尋山寺月
詩心許證雪泥鴻
吳書海國紛圖志
老眼模糊詫九通

茆塘橋道中

琳琅新館詩

卷四

八

棹出茆塘路遙山
雨氣蒸炊香秔稻
飯秋老菊花睽橋
仄舟衝蝦魚跳水
起層城關方下鑰
遠近市稍燈

桂芹兩孫縣府試
均拔取十名臘月
初十日旋自

吳門喜而有作

百里水程寬歸舟
笑語歡風簷壺凍
墨雨雪夜衝寒書
寄雲間鶴辭翻筆
底瀾梅花香紙帳
一枕夢魂安

癸卯除夕

秋風六度踏秦淮
宣武城南住亦佳
銳志已銷文字劫
聯鑣差慰老人懷
向禽暫緩雲山計
梁孟猶欣伴侶偕
若許往來若雪路
好尋鷗鷺舊同儕

臘月得陳有庚調任漣市之信

甲辰

甲辰元旦

屠蘇酒酌泛芳樽座上春風笑語温儘許
葛蘿嘉締糲漫勞車馬爛盈門六旬偕老
糟糠婦三代隨肩長幼孫嘯月舊編承
世澤後先輝映到初昆

息公佑仲疊賜和章再次前韻呈教

皇華四牡渡江淮暫息田園亦復佳
邵伯英太史自署曰息盒金石

舊銘摹晉代韓蘇高詠愜詩懷梅如有約
同舟穩公與仲許朋儕雲出無心倦鳥偕臣本煙波垂釣客
鴿峯樵唱

許朋儕

琳琅新館詩

卷四

九

月滿元宵酒滿樽試燈風裏氣和温好山着雨青當戶
小艇撐波綠到門未許詩名儕伯仲儘容樂府繼吳孫

謂竹橋子鱈魚潮送春申浦函寄書巢敘尚昆
書巢石

蕭兩先生有庚自署昆漁

三疊前韻寄劉石香申江陳有庚吳興

正與羣公韻鬪淮書來眠食客中佳桃花潭水汪倫句
謂汪美生刺史霽月光風茂叔懷攜榼偶尋詩酒社忘年宛似

弟兄偕西神山色禪關月祇許閒人爾我儕

梅花香裏記開樽漫把蓬瀛舊夢温抵掌儘容談世事
曳裾未慣向侯門浪游煙水閒鷗鷺能守詩書好子孫

他日挹青重翦燭白頭三箇老漁昆

四疊前韻呈松禪舅氏

繞郭溪流敢擬淮白雲怡悅在山佳鶯花妙解詩人意
煙水能消壯士懷謝客厭開賓主會清談卻喜舅甥偕
鵲峯聯唱成三幅報與樵兄漁弟儕禪漁聯唱辛丑癸卯已得兩長卷至

是而第
三成矣

丹經讀罷試茶樽漫詡談元氣海溫遼左烽煙屯戰舶
宣南鴻雪憶都門雲中去雁書懷友膝下含飴手弄孫
若許同編花萼集白頭釣叟忝居昆

五疊前韻再答佑仲

琳琅新館詩

卷四

十

雄師大集渡湘淮壁壘生新步伐佳敢以軍麾聊引喻
還將韻語鬪吟懷韓蘇著作名公重禽向雲山老伴偕
白鶴一聲天際響忘機竟與鷺鷗儕

益梅清供佐琴樽晴日東風挾續溫一枕羲皇人醒夢

滿天雷雨客敲門

雷雨將至適瓶盧舅氏又送詩來

詩賡花萼兄偕弟

字識之無子課孫禪榻松聲山寺遠莫教漁仲笑漁昆

末句答佑
仲詩意

瓶盧舅氏四賜和章雪夜六疊前韻再呈

長江天塹界清淮無恙湖山半壁佳逐鹿已成秦項勢
聞雞頗切祖劉懷屏除積習談何易慷慨同仇孰與偕

欲向桃源尋避世武陵那有捕魚儕

不飲偏思酒煖樽
昨今雨雪異寒温
坎離豈解丹砂訣
龍象宏開智慧門
湖氣逼人吞水郭
嵐光倒影列兒孫
言詩倘許商借賜
函丈從游儼弟昆

龍象句
謂藥龕

得石香申江來書卻寄兼簡佑仲

連日風兼雨挑燈夢不安
花遲經雪壓人老怯春寒
掣電軍書急酬詩墨瀋
乾莫談遼左事北望海天寬

冠兒率桂芹兩孫至郡應院試燈右書示兩孫

沙鳥風帆利登舟眼界寬
行裝宵對榻客館飯加餐
心手同磨墨雲霄盼振翰
雁鴻翔捷影一路報平安

琳琅新館詩

卷四

十一

二月十七日提覆揭曉電音先至報錄後來長孫
樹勛取列昭庠第五名綵阮亦捷常庠次日登
舟冒風雨抵郡齋有作

寒戀春宵絮被温
捷音喜聽叩重門
詩賡泮水芹兼藻
花放荆枝弟與昆
飛渡帆乘風雨勢
舊游鴻證雪泥痕
胭脂橋畔漁舟穩
款語燈前慰兩孫

金閭雜詠

扁舟風雨水雲鄉
暮達吳門曉束裝
今夕胭脂橋畔客

捷書秉燭報昆梁

昆謂有庚
梁謂石香

澈夜純鈎響不平
莫於局外論棋枰
李花嫌白桃嫌赤

一任旁人去品評

高坐堂皇氣象尊兩行魚貫入龍門我從貢院街前去
前送兒曹又送孫

陽城湖畔出東塘帆影煙雲過眼忙四十年前來往路
重溫舊夢感滄桑

七疊淮字韻再寄有庚

尺書雙鯉渡春淮茗雪雲山到處佳縞紵贈投良友誼
河梁迢遞遠人懷論交儘許禪漁契展卷何妨歲月偕
天下滔滔誰與易那容沮溺耦耕儕

座上曾開北海樽雪泥鴻爪夢重溫三橋煙水鷗衝艇

琳琅新館詩

卷四

十一

一逕松陰鶴候門夾道頌聲迎父老藏書遠計到兒孫
畫圖擬繪漁家樂點綴奚分仲與昆

九月十八日爲長孫樹勛授室喜而賦此

菊花時節暖兼晴嫗悅公懽喜氣盈泮水藻芹聯伯仲
老年腰腳懶逢迎蓴鱸預計歸張翰婚嫁翻教戀向平
漁子漁孫孫又子一堂四代讀書聲

乙巳

申江道中

飛輪快駛水天寬電掣星馳一例觀同伴儘多湖海客
舊交重敘酒樽歡鄉音哢雜挑燈絮詩夢模糊倚枕安

臥榻竟容人熟睡

謂錢屈二子

曉風殘月五更寒

坐雨石香寓齋

精藍塔影峙龍光三宿禪關證上方風透松陰搖月碎
雨餘嵐氣撲人涼冰霜歷鍊勞應倦湖海交遊老更蒼
記否津門雲樹夢四郊多壘感斜陽

夢中得臺哉開三韻句不可解醒後足成之

熙熙人共上春臺此日登臨亦快哉處世大都酣睡客
濟時誰是出羣才鶯花三月詩情麗樓閣西城眼界開
雲樹蒼茫山縹緲海天風引到蓬萊

芹孫縣試首錄四月冠兒挈芹孫至郡府試

琳琅新館詩

卷四

三

城郭綠楊津天開雨霽新此行須久住著手許成春煮
茗宵聯榻循橋月趁人登肴風味好爲我寄吳尊

冠兒率桂芹兩孫至郡應科試臨行書示芹孫

六月方徂暑登舟送汝行雲帆隨去鳥雛鳳試新聲握
管經鎔史聯牀弟與兄捷書先炳燭催我夢吳城

登挹青樓望月寄懷芹孫

一雨洗炎蒸西山爽氣澄心隨吳雁影夢結夜窗燈水
榭迎涼早樓臺看月升琉璃明世界况乃最高層

七月初四日提覆揭曉更餘先得電信三鼓報錄

人來次孫樹春取列昭庠第二名榴阮同捷常

辛酉歲庠次日冒暑登程附輪至郡抵寓有作

多士掄才集俊英捷書又聽報山城漫云晚景娛梁孟
若論科名勝父兄貽厥孫謀承世澤繩其祖武振家聲
菰蒲風裏呼漁艇重向吳趨道上行

金閨雜詠

百里州塘一水通此行破浪快乘風炎天襖襪吳門道
應笑先生又熱中

如來金粟渡慈航定惠宏開選佛場卻怪應真橫臥地
健兒未免太風狂

秋宵風雨一燈青脫畧全忘爾我形莫笑老人遊戲筆

琳琅新館詩

卷四

十四

世間莊語有誰聽

試院龍門詆蕩開衣冠濟楚集羣才笠蓑煙雨迎涼客
又爲漁孫兩度來

秋雨漸涼有懷石香有庚

手鈔舊稿逐年刪放浪形骸笑我頑霽雨斷虹迴晚照
濕雲堆絮疊秋山曉風楊柳揮毫捷釣艇煙波載月還
白鴿峯前詩夢杳攜琴記否叩禪關

感事

雲起江天暗寒鴉繞樹鳴同舟皆敵國臥榻有鼾聲文
字消殘劫儒冠誤治生銅駝荆棘感遼左未休兵

無錫劉石香司馬繼增三十年老友也臘月病卒

上海擬欲致輓動輒擱筆天寒地凍風雪逼除
率成四律悽咽不能成語

滿城風雪歲將除尺素驚傳海上書古道不渝儕管鮑
舊交多半隱樵漁碑尋華嶽人顛騎烽逼雲津雷走車
重向挹青燈右話銅駝荆棘劫灰餘
舊游熟走海虞山我亦梁溪互往還著作等身磨歲月
畫圖落筆寫荆關禪燈影照詩皆瘦妙想天開石點頭
三十年來文字契年年寄稿待君刪

飛輪快駛滬江行老友相逢儼弟兄揮塵坐消簷外雨

琳琅新館詩 卷四

五

挑燈重話客中程遊蹤半載輕離別知己千秋判死生
忍草庵前憑弔處白楊蕭瑟起悲聲

禪漁聯唱溯劉陳陳謂有庚墨瀋淋漓筆有神五嶽向平完

嫁娶三秋張翰憶鱸葦滿腔熱血傷時感敝帚遺文什
襲珍絮酒隻雞親置醅青山我自哭詩人

乙巳除夕

葦鱸風味戀江鄉宦海由來歎望洋老伴尙餘梁孟健
蓀枝又擷藻芹香飛騰那有冲霄術補救曾無避債方
笑指琳琅書滿架蠹魚猶飽舊詞章

丙午

丙午元旦

捷書燦爛寫紅牋，猶喜蓀枝棣萼聯。天爲閨餘春久駐，詩賡靜好月同圓。詞章咳唾皆陳迹，家事矇朧待息肩。五嶽許招禽與向，游蹤應紀杖鄉年。

新正嚴寒雨雪半月，桂孫抱奉倩之戚，慰之以詩。濕薪漲滿屋中煙，漫讀黃庭內外篇。精衛能銜東海石，媧皇難補有情天。雪泥鴻爪溫前夢，鈿合金釵感舊緣。慰汝不禁頻涕淚，雨聲淒到枕函邊。

冒雨登舟達墩頭，坵就診陳君如山。政挈桂芹奎

琳琅新館詩

卷四

六

扁舟冒雨走寒塘，笠屐同登老友堂。門榜徧題名士筆，刀圭敢乞越人方。舊藏書籍傳家富，新築園亭焙藥香。四十年來君與我，白鬚如雪話滄桑。

感事寄陳有庚衢州

熟梅天氣釀輕寒，曉起庭柯露未乾。釣叟尙餘青箬笠，道旁多半白衣冠。謂學堂貧原非病愁，奚益壯不如人老。

更難雲樹蒼茫，翔雁影開緘先報語平安。

禪漁聯唱敢云刪，一日胸中幾往還。忍草舊庵悲礎露，

劉石香葬惠山忍草菴。鴿峯冷月度松關，利名未許因人熱。煙水依然笑我頑，若使陳蕃翻借榻，過江先看富春山。

雲笈琅函閣卽事再寄有庚

芭蕉分綠到階庭一枕羲皇午夢醒涼雨欲來煙樹白
海雲初捲晚山青虹霓晴射樓臺影圖畫天開水墨屏
擺脫人間塵俗事手繙祕笈誦丹經

涼秋風雨感懷時事三寄有庚

夜濤風雨捲秋聲樓閣昏如夢一城世事幾曾分黑白
天心不定變陰晴舊盟煙水儕漁艇新署頭銜列上清
謂哲嗣翻去聖賢經與傳卻從海外望蓬瀛

翁小山中丞曾桂輓詩

渭陽中表最情親明月垂楊互結隣保障衡湘崇政蹟

琳瓊新館詩卷四

七

屏藩贛淞重勳臣章平兩世黃扉業禽向三山白髮人
金粟一龕香雪冷冷雲悽斷尙湖濱

宣南舊夢許重溫鴻爪猶餘印雪痕歸思萼鱸秋返棹
詒於辛巳芳春桃李夜開樽公招飲名園早占湖山勝

雅度彌謙齒德尊白鴿峯前增感觸羊曇何忍過州門

禪漁聯唱彙成三長卷此光緒庚子癸卯甲辰酬

和之作

卷中松禪老人梁昆尙三漁之
作居多因名之曰禪漁聯唱圖

墨瀋淋漓滿披圖感慨餘烽煙遼海夢雲水武陵漁臘
酒春盤社龍跳虎臥書鴿峯霜夜月冷照到瓶廬

十月二十九日爲次孫樹春授室嘉禮誌喜

老晴冬暖氣如春鳳侶和鳴正吉辰
婚嫁漸完禽向願
湖山穩寄鷺鷗身
雛孫竹馬聯成隊
兒婦羹湯有替人
六十齊眉三代健
舊袍爭似綵衣新

丙午除夕

一笑桃符又換新
登筵長幼坐相親
嚴寒未釀三冬雪
殘臘先迎隔歲春
學廢孫仍呼子課
年荒吾更念民貧
煙雲過眼皆陳迹
重感樽前白髮人

丁未

丁未元旦

晴霽東風挾纒溫
宜春吉語燦題門
齊年猶喜糟糠健

琳琅新館詩

卷四

六

序齒彌慚伯仲尊
婚嫁尙留禽與向
庭闈趨拜子偕孫
退閒應許煙波棹
雲水蒼茫綠樹村

二月二十七日爲長孫樹助續紘

嫩晴天氣豔春陽
百兩居然賦御將
遜讓客來迎面揖
趨蹌我畏折腰忙
琴諧玉軫蘭閨樂
風動瓶花繡閣香
奢望大開湯餅會
孫曾四代老康強

展墓雜詩

筍輿緩緩出城關
宿霧新晴乍露山
一笑桃源在何處
只餘流水響潺潺

芡塘一水路通橋
人背東風鱗自搖
兩岸車聲忙不住

扁舟閒趁往來潮
潮落平沙岸有痕
漁罾影裏夕陽村
白龍港進楊園路
展拜重來謁墓門

青山十里綠平蕪
曉起揚帆過尚湖
王舍人橋尋舊墓
手摩碑誌半模糊

石虎浜前展墓還
踏青攜杖寶巖灣
鄰鄰春水三橋棹
飽看西湖又看山

俞氏嘯月軒試藝續刊告成詩以紀之

老向湖山穩寄身
竹書丁未紀年春
名經漫詡能成佛
敝帚由來自享珍
傳世文章仍守舊
趨時花樣又翻新

琳琅新館詩卷四

九

焚琴煮鶴憑誰定
留待尋常位置人

宗俠儔明經汝成輓詩

少微星隕海天涼
惡耗俄驚老友亡
早歲皖湘經患難
中年聲望重詞章
與論世事鬚眉動
屬和新詩齒頰香
回首秋風虛鶻薦
秦淮九度踏槐黃
頻年攏稿乞刪存
翰墨因緣氣誼敦
新度禪漁成畫卷
舊栽桃李徧程門
輝聯花萼香芹藻
架列圖書課子孫
此日生芻重奠酒
愴懷翦紙爲招魂

題芹孫畫扇

浩蕩煙波自在身
頭銜漫署海虞民
畫師若繪漁家樂

添我湖田把釣人

吳江龐小雅部郎

慶麟

函寄七十述懷四章索和

佑仲先成四律見眎

詒

遜謝不敏勉成兩詩藉

以介壽

天與詩翁自在身不教宦海共沉淪亭臺新築吳趨第
梁孟齊年絳縣人利鎖名韉誠夢幻童顏鶴髮健精神
老梅花釀春缸酒覽揆剛逢七十辰

鴻爪猶留雪印痕記曾踐約訪吳門開樽共訝鬚眉古
介壽應推齒德尊玉筍班行懷舊雨鳳毛聲譽繼賢孫
和詩徵到煙波侶尙父湖邊仲與昆

琳琅新館詩

卷四

三

菱塘貞烈圖爲李譚氏賦

卓哉李貞婦巾幗有完人冰雪千秋志風霜百鍊身猿
聲哀叫月鴛夢冷成塵飛語誰相謗含冤鬱不伸
月黑走菱塘愁雲北郭涼潔身從此逝血淚染成行勁
柏貞松節青天碧海鄉露筋祠比例花發白蓮香

和以詩代簡

和以詩代簡

薊門煙樹尺書遙七發枚乘健筆豪儘許鷗波雙槳穩
忽看雁影五雲高河山劫後傷瀛海風雨窗前捲夜濤
商戰環球新學界舊人一例隔鞦韆

十一月二十五日得長曾孫男十二月初一日又
得長曾孫女男名炳星女名炳琳詩以誌喜

昨夜銀缸蕊報紅寢興吉夢喜占同老人星燦花周甲
湯餅筵開慶得雄蓬矢悅巾陳左右聯生襁褓聚西東
白頭梁孟怡顏說耳聽兒曹亦喚翁

丁未除夕

世事蒼茫感慨中漫論年儉與年豐盤無兼味柴薪貴
卮漏重洋海舶通敢道祁奚能舉午儘容德曜尙偕鴻
壺觴且就今宵樂自署煙波作長翁

戊申

琳琅新館詩 卷四

五

戊申元旦

檢歷重看紀戊申年華送舊又迎新手編雲水三漁集
眼見孫曾四代人石屋詩尋山寺夢羅浮花放嶺梅春
蓴鱸鄉裏煙波棹穩向閒鷗寄此身

佑仲新簡廣東瓊崖備兵行有日矣賦詩贈別

十年重踏軟紅塵雁影迴翔嶺海春鄂渚宦鄉懷舊跡
珠崖雄鎮重分巡風清鈴閣荏苒靖令肅巖城壁壘新
手撫紫荆連理樹濃陰徧覆往來人

試燈時節又開樽飲饑言情敘第昆入座高譚超魏晉
趨庭清訓課兒孫瀛寰歐美紛商戰京雒鴻泥認雪痕

載詠池塘春草句東風噓拂待和温

悼亡詩二十首

碁人歿後倏忽半年擬賦悼亡握管輒止涼秋
八月病榻呻吟追憶曩事隨得隨寫畧存梗概
未足云詩以遣悼懷云爾

菜花黃繡麥苗齊帆飽東風我棹西今夕篷窗人不寐
滿天寒雨到梁溪

風雨天涯上巳辰客愁轆轤似車輪倉皇亭子橋邊路
誰識拖泥帶水人上巳日接桂孫急電遂挈冠兒投袂
卽行次日舟抵無錫入見碁人神識
尚清

琳琅新館詩 卷四

三

百里歸舟夜附輪淒風苦雨黯酸辛迴翔梁上雙飛燕
猶戀閨中舊主人堂中木有燕巢是日新燕
初來迴翔審視悲鳴飛去

曉襲湖橋戰血腥蒼茫宵遁北高涇愁霖匝月舟中病
鷗宿煙波鷺宿汀咸豐庚申奉重慈避居南鄉北高涇
八月城陷浮家泛宅時秋霖匝月碁
人病困舟中出沒於鋒鏑之間
是冬避居袁澳地傍昆城湖濱

雪滿茆江路遙殘年親戚話寒宵黃旗壓陣趨歸市
月黑全家渡仄橋辛酉臘月雪花如掌遷居東鄉歸
市同治壬戌土匪蜂起復還袁澳

彈雨槍林莽劫塵燭天烽燧尙湖濱衝寒夜走申江道
重憶泥牆蘆屋人同治壬戌降將獻城臘月粵匪長驅
而下焚掠殊慘癸亥二月流轉至浦

東新場七竈港蘆
屋泥牆僅蔽風雨

亂後荒涼景不堪
新居甫定住城南
家無長物圖書盡
梁孟由來其苦甘
邑城既復舊廬灰燼癸亥秋由浦東歸里在油車渡度歲甲子江甯克復
八月奉重慈遷定
新居於城南西涇

米鹽瑣屑翦園蔬
敬侍重闈問起居
記得停燈寒夜話
課兒背誦塾中書

每念椿萱涕淚零
自傷幼稚早伶仃
嚴家棚下馬鞍塢
上塚年年去踏青
外舅伯芳侯公外姑鄒太恭人墓在惠山馬鞍塢

省識長安不易居
宣南鴻雪半年餘
呼童漫剖雙紅鯉
倘有閨中錦字書
光緒辛巳四月詒謁選入都

揮淚焚香禱上蒼
蓂莢藥水細評量
炎風朔雪宵無寐
琳琅新館詩
卷四
三

護疾頻憐老孟光
光緒丁酉兒媳張氏病危恭人悉心調護遂獲轉機

疊起風波種病根
亭亭倩女竟離魂
形銷神瘁人咸訝
老淚頻揮慰長孫
光緒丙午長孫媳顧孺人病卒恭人形銷神瘁從此鬱鬱成病

任怨由來更任勞
頻年家政悉親操
治生無計謀生拙
四海蒼茫片月高
佛云無可說無可說子曰如之何如之何提筆四顧問天不語

檢點書裝意萬重
試舟將發必審視
兩孫衣袂紉針補
始信臨行密密縫
試舟將發必審視兩孫衣袂間有破損親爲紉補

芹香繼起讀書燈
與爾期爲退院僧
子已生孫孫又子
牙牙欲語看孫曾
恭人有子一人孫四人曾孫一人曾孫女一人

五雲樓閣夢蘅蕪
縹緲仙山海上圖
多感營齋羣弟子

莫將荒誕說鴻都

恭人卒後羣弟子合力營齋可感之至

豈料生離成死別誰云天上勝人間扶搖漫計鵬程遠

北海鯤魚已化鰥

冰炭交鎔百鍊身秋風病榻臥吟呻涼宵一枕邯鄲夢

月影窺窗冷照人

戀向平舍前賦志負血坐

舉世愁無避債臺頻年懷抱未曾開殘奩陳篋都尋徧

那有金釵鈿合來

恭人節衣縮食簪珥悉充公用卒後檢視空諸所有

泡影全忘夢幻身何真非假假非真回思五十年來事

莫問前因與後因

賦日三橋道中

琳琅新館詩

卷四

五

旭日耀朝暎湖光氣吐吞衝波鷗與鷺圍坐子兼孫雲

過山留影蘆荒水嚼痕東南風力勁滿路稻花村

行行斜照裏好景指西門塔影圍城堞人家繞水村權

籬牽豆蔓石筍縐雲根尙父湖邊隱漁舸弟與昆

五岳遊蹤遠家山戀向平舍飴娛老境並坐儼孿生漫

試戈兼印相隨弟與兄醉盤循舊例雛鳳喜清聲

戊申除夕

老尙支撐骨力堅承家尤望子孫賢開函猶有聯吟侶

入篋從無造孽錢圖史舊珍雲笈閣鴻泥新紀竹書年

琴聲變徵蓬瀛遠愴撫成連海上絃

已酉

巴西元旦

門庭備雅古風存春入瑞蕙酒滿樽
一堂四代兩公孫老懷何喜落兒城
為謝城中車馬客不勞訪遍問盤飧

閏二月初

辰開江南

次第

琳琅新館詩

卷四

三五

過山留影

行行斜照

離峯豆蔓

五折遊蹤

試文兼

琴聲變徵

...

...

...

...

琳琅新館詩卷五

昭文 俞鍾詒 調青

巳酉

巳酉元旦

門庭儒雅古風存春入屠蘇酒滿樽五嶽舊游新杖履
一堂四代兩公孫老懷猶喜借兒戲秘篆頻鈔證道根
爲謝城中車馬客不勞市遠問盤飧

閏二月初二日壬午次曾孫炳宸生賦詩誌喜

歲閏江南二月春紀元恰喜歷開新呷嚶棣萼三株樹
次第孫曾四代人詩稟待商金石契漁舫儘許鷺鷗鄰

琳琅新館詩

卷五

尋山問水閒攜杖童冠相隨老健身

獨行出西郭信步至東經堂

山路晴烘軟土乾出城新綠湧層巒一龕佛火經聲靜
三月春風麥浪寒立定腳跟名利澹放開眼界海天寬

懺除綺業重增感案上楞嚴信手看

昔年內子曾於此處課佛

登挹青樓望遠適有庚以新刊匹夫詩見寄

午夢北窗醒登樓思窈冥四山雲起白一雨樹回青詞
翰樽中酒交游曙後星柯橋鴻雁影隨月度漁汀

陳有庚明府調任柯橋寄詩存問卽次原韻

碑訪蘭亭舊跡摩鑑湖風物近如何朋儕贈答天涯少

世事雲烟海外多，讓水廉泉賢宰治。笠簷蓑袂老漁歌，涼秋若踐黃花約。倘許重陽載酒過。

新秋有感書寄昆漁

炎威如虎逼驕陽，嘒嘒鳴蜩曉夢長。出水荷花新浥露，迎秋梧葉漸生涼。河山易觸滄桑感，經史誰云翰墨香。擬訪成連琴海上，五雲樓閣在蒼茫。

小園晨起手澆花，信步城南試茗茶。徂暑人歸吳下棹，登樓我看海東霞。退飛竟作迴風鷁，失笑真成畫足蛇。秋水蒹葭江上夢，已隨亮月到天涯。

喔喔雞聲夜嚮晨，北窗喚起獨眠身。刪詩儘許商良友，

琳琅新館詩

卷五

二

開卷何妨對古人，鴻雪紀年新脫橐。圖書插架未嫌貧，炎風烈日猶能耐。雲水襟懷浩蕩春。

午長人倦手拋書，一枕羲皇飽飯餘。煙渚舊盟鷗侶少，海天遠影雁行疎。蟬鳴夕照涼生樹，蚊聚秋庭陣轉車。寄語髯翁應亦笑，頭銜新換署龔漁。

戈莊曹貞女詩

長歌詠哀風，史補云：詩墨香。

狹路相逢處，狂童狂也。且諸兄誰禦侮，老母忍勞居人靜。更闌後吞聲飲泣，餘貞魂應未泯。寒月夜窗虛滿，城人嘖嘖異事說。戈莊志決冰霜勁，魂歸蔓草香。朱絲甘畢命，血淚尙盈眶。詠歎曹貞女詩，增筆墨光。

臘月佑仲自嶺海遠寄保和菩提廿九賦此報謝
平安郵遞燦紅籤一笑開函信手拈饋藥漫勞辭未達
拜嘉或恐取傷廉青燈照影詩俱瘦白髮催人老漸添
風雪山城殘歲感頻呵凍硯蘸毫尖

巳酉除夕

登筵漫許老加餐兒女孫曾合座歡白髮舊增鴻雪感
青山新築斧堂安謂侯恭人笠簷蓑袂晨移艇經案繩牀夜
禦寒莫唱煙波漁父曲楚狂只當接輿看

庚戌

庚戌元旦

琳琅新館詩

卷五

三

舊稟頻年手自刪柯橋魚雁往兼還庭喧童稚聯成隊
鶴守梅花靜掩關秦岱遊踪慚老邁葦鱸鄉夢戀湖山
梁昆鼎峙三漁隱留待人許季孟間

藥龕上人輓詩

一寂諸相空何來形與影石火閃電光百年只俄頃梵
唄雜松聲留取眼前景水月不在天流泉不歸嶺稽首
證菩提目瞑心自醒

寒食日寶巖掃墓

柳眼入春醒春山列翠屏樵踪通石徑湖氣隔烟汀風
定松猶響碑尋蘚別銘墓門惆悵處宿草已青青悼侯恭人

書龐氏兩世節烈傳後

賢母頌歐陽慈闈懿行彰撫孤存節操勵志凜冰霜血
淚椎心痛蓮臺證果香瀧岡阡表峙綽楔耀宗祊
延陵貞烈繼兩世並流芳死已甘同穴生堅矢未亡陣
雲屯鐵騎風雪逼江鄉皎皎尙湖月白蓮透水香

新秋書寄陳有庚

漫將詩句鬪新尖墨瀋淋漓禿管拈秋氣漸涼河鼓淡
樹陰斜轉月鉤纖蓬瀛縹緲三山影雲笈琳琅七帙籤
想見柯亭老吟長開函爲我一掀髯

舉世誰憐老大身獨於童稚喜相親衰年轉作操勞客

琳琅新館詩

卷五

四

多壽尤須忍辱人爭到錐刀奚論末踢翻經笥更從新
閒窗手校琳琅集徹帚應嗤自享珍

得桂芹兩孫來書七月二十八日由上海乘廣利

輪船遵海而南八月初三日抵廣州

浩蕩走飛輪六千里外人同舟兄與弟遵海浙兼閩童
僕誰分任涼暄慎保身鄉書重疊寄應念白頭親

中秋夕月色皎然枕上口占

湖海氣猶豪消愁仗濁醪夜長人夢醒秋淨月輪高雁
影翔寥宇蟲聲響紡纈詩情黃葉路吾欲放漁舸

陳有庚疊書問訊惓惓之忱溢於言外賦詩報謝

隱居漫詡樂槃阿
獨寐何妨自寤歌
枕上成詩佳句少
夢中握手故人多
風迴庭院搖窗竹
涼浸蛩聲咽砌莎
嶺海迢迢翔雁影
已隨亮月度關河

琳琅新館詩鈔四卷
陳有庚明府刻於柯橋司署
爲之監梓其間郵書往復
兼勞參訂刊既竣賦此
以誌高誼

頻年舊橐手重刪
千里書函往復還
敢以虛聲儕伯仲
祇餘逸興老湖山
難忘漁弟樵兄誼
踏破名韉利鎖關
悟得禪機須活潑
莫教狂笑石頭頑

桂孫自廣州寄詩次韻和之

琳琅新館詩

卷五

五

尚湖烟水老漁歌
墨瀋淋漓手自磨
客館主先僮僕起
海天秋早雁鴻多
異鄉氣候殊涼燠
蠻語音聲類鸛鵝
謂廣州氣
候土音獨寐寤言
慚隱處碩人未許
樂槃阿

桂芹兩孫九日觀音山登高
芹孫有詩遠寄衝口

和之用韻不次
山在廣州

登高俯視五層臺
歷歷風檣陣馬開
展卷詩還燈右校
時校刊詩
集工竣啟函書自嶺南
來客懷未免縈鄉夢
妙語先從秀奪胎
說與老人彌豔羨
幾疑海外望蓬萊

疊前韻再寄桂芹兩孫

唾壺擊缺漫高歌
懷刺由來字不磨
瀛海雲帆彈指現

蓴鱸鄉夢感秋多，退飛幸免風迴鷁。灑翰閒臨帖，換鵝
我昨三橋晴放棹，曉霜紅葉滿山阿。

寄汴孫

樹曾桂孫芹孫廣州

暫學邠生入幕賓，一枝可借許容身。雁行難得晨昏聚
客况偏於僕從親，海舶暗移江左粟。梅花先報嶺南春，
關山閱歷心彌壯，我更天涯憶遠人。

庚戌除夕

老梅花發健精神，檢歷猶遲七日春。序齒濫叨團坐長
登筵重念遠遊人，名聯伯仲三漁舊。詩選琳琅四卷新，
一笑夜闌同秉燭，不須學道守庚申。

琳琅新館詩

卷五

六

辛亥

辛亥元旦

海天雁影隔雲層，春到江南歲紀增。老眼漸蒙疏翰墨，
庭闈至樂聚孫曾。游踪泰岱招禽慶，鄉思蓴鱸溯季鷹。
火樹銀花城不夜，商量踏月上元燈。

正月三十日巳巳次曾孫女炳南生喜賦此詩書

寄桂孫廣州

暉暖風和氣象新，梅花喜報一枝春。手扶藤杖年周甲，
酒進金樽月建寅。介壽彌增娛老境，寄書先慰遠遊人。
海南歸省庭闈日，懷抱咿嚶樂事真。

芹孫歸省燈右絮話廣州兼述時事慨然有作

慷慨論時事雄談海外新歐西開戰局遠左警邊塵客
路音書遠衙齋棣萼親白頭應失笑一髮繫千鈞

大河訪陳寅生茂才文浩信宿垂裕堂卽事成詠

柳陰路曲走橫塘童稚偕登綠野堂臨水村迴雛鴨鬧
淡晴花暖蜜蜂忙樓臺小築庭宜廣竹葉開樽酒正香
鄰里相逢人不識白頭驚訝老漁郎

晨曦開霽轉西風掛別元龍我棹東下楊欣諧賓與主
歸舟仍許老偕童山涵湖氣全收綠花近霞光不肯紅
他日翦燈重話舊題詩記取雪泥鴻此行往還
俱挈炳宸

琳琅新館詩

卷五

七

桂孫書來附詩兩律次韻卻寄

連旬雨細更風斜嶺嶠迢迢望眼賒湖海壯遊身作客
蓴鱸鄉思夢還家巖城馳檄催征騎倦羽尋巢噪曉鴉
擬約昆漁登石屋汲泉新試本山茶

西郭水嬉日桂孫復寄三詩燈右和韻兼呈邵君

雯卿明經元晉沈君企堂茂才棠雅教

柳颺東風月紀三杏花春雨蝶蜂酣馬蹄鈴脆趨城北
雁影書遙寄嶺南曼衍魚龍郊外聚參差樓閣水中含
游偕童稚歸來晚筆記重繙老學庵

四月桂孫歸省詳述粵垣近事卽次廣州雜感韻

瀟瀟風雨滴孤篷
琴劍歸來自粵東
喋血突飛鈴閣彈
防邊誰握虎符銅
烽烟瀕洞翻鯨浪
雲水蒼茫理釣筒
海客莫談瀛島事
夜分翦盡蠟燈紅

貞烈節孝嚴毛氏詩

徒跣奔喪去麻衣
慘未亡姑慈頻慰
妾妾死願隨郎誰
識詩書字胸羅經
傳香尙湖鳴咽水
冷月亘光芒
節孝兼貞烈由來
萃一身水漿延喘
息病榻黯酸辛從
此魂長逝傷哉粒
絕眞董狐南史筆
巾幗有完人

辛亥水災紀事詩

有序

七月初四日大風忽起黑雲漫天雷電挾猛雨

琳琅新館詩

卷五

八

交作海潮陡起自宵達
旦翻江攬海如千軍
萬馬奔騰而至次曉開門則巨浪滔天汪洋駭目
初六日早起紅霞滿天日出如血照耀城市申
酉之交天地晦冥雨勢更猛銀河倒瀉俄而水
又突高數尺初八日四鄉亂民蜂起城箱內外
搶掠始徧搜括者三日幸郡城援軍福山兵隊
齊至狹巷開仗短兵相接格殺三名人心始定

風雨漂搖夢寐驚
海潮龍捲壓山城
毀家誰許能紓難
狹巷羣譁接短兵
一室幸逃魚鼈劫
四鄉聽徧雁鴻聲
朝霞紅絢晚霞血
人事天心兩不平

術家言恐
係兵象

健兒婦女雜童孩擁擠城關曉洞開卧榻竟容人熟睡
天心早釀劫成災破家隊聚倉搜米排闥聲喧晝奪財
一笑諸公仍自治沿門託鉢又重來

桂孫有豫州之行束裝就道臨行賦贈時孟秋七
月二十四日也

漫勞海客說瀛洲整頓輕裝待放舟颿影劃開申浦月
雁行高送漢江秋儘容走電飛輪駛又向嵩山太室遊
南望白雲詩思遠夜吟應寄挹青樓

中秋感懷和有庚韻

天心不定陰晴意卧榻愁聽風雨聲澤國雁鴻翔滿野
琳琅新館詩

卷五

九

山城草木警疑兵煮茶活火新温炭題壁懸崖舊記名
那得夜闌同秉燭盡將肝膽話平生

辛亥九月十七日移家大河陳氏雜詩書寄桂孫
開封

尙父湖邊去移家榻借陳同舟攜幼稚舊劫話庚申天
塹軍飛渡郊原血聚燐茫茫身世感况念遠行人

倉卒夜廛兵突燔武漢城乾坤昏戰陣烏獸散防營石
破天驚手槍林彈雨聲南飛鴻雁影應早計歸程

謂仲佑

袞袞諸公在神州竟陸沈河山紛戰伐烽火逼江潯久
奪斯民利誰輸報國心故宮行邁客應賦黍離吟

武陵漁跡杳何處有桃源人靜村驚犬童嬉陣走猿霜
橋通仄岸耕犢卧平原黃髮垂髻樂檐前坐負暄

薄暮褰衣望遠山明月陽霜整容佐酒粳稻早登場近
水樓臺月環村隴畝桑高低成一慨荒歉雜豐穰

連日西風勁寒威入夜增雨聲清到枕客夢結殘燈僕
去誰爲伴孫眠喚不磨明朝盼晴旭睡起望田塍

二千餘里外行役念吾孫囊筆隨子季勞心繫夢魂遲
徊兵火阻約略電音存翹盼鄉書遞臨風獨倚門

三函
一電

李子殷勤意閒招村店茶紅爐添熾炭黃鳥競爭花人

琳琅新館詩 卷五

十

聚樗蒲戲壺斟陽羨砂衡茆留客住風動滿天鴉

李字鶴書

昆隱三漁契欣投一紙書識時胸有竹崇論日無餘鐵

甕兵屯戍雲津電走車懸崖應勒馬北望幾躊躇

同日復得

昆湖漁隱趙生錦章兩函

東道尋賢主居然入幕賓授餐兼適館道誼重情親馬

齒彌慚老猪肝敢累人劍門山色好依舊石嶙峋

十月十六日桂孫南還由汴梁繞彰德保定京津

航海抵家同行四人江陰陳葆卿茂才

錫秀哲嗣

星懷 鴻籌 同里錢松生 毓嵩也

額手爭相慶生還涕淚餘倉皇兵火劫迢遞祖孫書雪

滿河間道冰驅靜海車天涯人不識况乃外交疏保定
立雪待車忽遇美國人紀途次
牧師極蒙提挈感涕五中

佑仲以豫藩開缺另候簡用轉海旋里喜而賦
此時辛亥十月二十七日也

遵海而南兩雪天征程繞走路三千馬臨仄徑輻收早
帆到中流柁轉先招隱許尋和靖鶴著書忍署義熙年
忝離行邁彌增感愴賦銅駝荆棘篇

寒夜有懷昆漁

笳鼓防營動愁心向晚增夜長雞警夢月黯鼠窺燈肘
腋交揮刃城鄉履薄冰寄言東郭叟且復理漁罾

琳琅新館詩

卷五

十一

辛亥十一月十七日庚辰第三曾孫炳鈞生

彈指明春已七旬烟波爲宅鷺鷗隣儉年未許陳湯餅
傲骨由來歷劫塵絮詠謝庭閨秀詩賡花萼弟兄親
撐開老眼觀奇景予髮如斯種種人

辛亥除夕

五朝漫詡老耆民雪印鴻泥證舊因泰岱幸存禽向侶
孫曾又得弟兄人狐鳴篝火宵成隊竈突厨烟患積薪
江左儻能支半壁黃冠容我尙湖濱

蛟龍捲水起秋潭澤國年荒景不堪雪窖冰天驅薊北
槍林彈雨戰江南關山迢遞音書阻戎馬倉皇况味諳

說與吾孫同感慨身經滄海再而三

壬子

壬子元旦七十自壽六律

物外翛然七十春京華舊踏軟紅塵論交金石齊年契
過眼滄桑歷劫身少壯蹉跎何況老瀛寰氣運別開新
子生孫又孫生子猶喜同堂四代人
槐黃六度踏秦淮鴻雪宣南小住佳餽稟紹承家世舊
膠庠繼起弟兄偕篋中嘯月存眞本膝下含飴慰老懷
檢點生涯漁艇在五湖鷗鷺是同儕

稱觴兒女話團圞索果孫曾次第歡儘許登山攜杖履
琳琅新館詩

卷五

七

懶從廣座肅衣冠臣門如水名心淡豪氣凌雲雅量寬
每有良朋通問訊詩函只報竹平安

庚辛猶記走倉皇一舸烟波隱釣鄉笠影雨餘秧水足
霜郊秋淨稻花香風檐幸免扁門試雲笈頻勞握管忙
悟得此中元妙理世間知我祇昆梁

謂昆梁二源

蒼蒼松柏挺高枝薙草翻令綠不滋強項舊存薑桂性
災梨新刻唱酬詩鏡添白髮催人老雲戀青山出岫遲
蘆屋泥牆尋昔夢漂搖風雨夜燈時

利名銷盡熱中腸結習年來亦漸忘晴向明窗拈筆墨
詩賡芳草夢池塘尊鱸久戀江鄉味桃李欣看弟子行

沂水襟懷童冠樂手扶藤杖踏春陽
敬仲見示壬子元旦詩賦此奉答

南枝向暖北枝寒地氣原難一例觀
馬齒敢云儕絳縣羽衣儘許隱黃冠
狐烏赤黑宵乘隙風雨漂搖夢不安
我願春郊滋菜麥漁舸烟水尙湖寬

清明後二日感事書示趙生清如陳生守玉趙生

錦章

破碎山河在神州板蕩中逼人誠太甚
吾道亦終窮鬼蜮乘宵黑萑蒲列炬紅
千鈞懸一髮浩歎竟頭童

朱栢庭先生紹衣九十壽辰重遊泮宮詩

琳琅新館詩

卷五

七

矍鑠哉翁壽者身頰宮重謁老成人
舞雩沂水從遊樂霽月光風入座春
會繼者英蘭桂繞綵迎鳩杖歲華新
笠蓑誰賞西山曲徵到三漁把釣民

陳有庚明府命題先德封翁彬之先生殷太夫人

事實圖

司業家聲夙所欽先生雅抱做虛襟
一編懿行嘉言傳百世慈孫孝子心
詞賦江山增感慨滄桑朝暮變晴陰
流風餘韻今猶在詩夢青田太鶴尋
錦峯倒影浸煙鬢石屋湖田數往還
渡海昔經江左劫登樓曾看浙中山
詩編徐淑秦嘉集詞譜南唐北宋間

幸有隱梅廬橐在微題莫笑老夫頑

屈甥虞臣贊府廣雲叙蘭山谷詩鈔

雁鴻西去燕來遲梅熟江南四月時詔許鏡湖成羽服
人歸浙水慰離思頻傷瀛海滄桑劫忍讀銅駝荆棘詩
我道知津沮與溺路旁莫謂執輿誰

李玉洲太守土瓚耆年碩望宦成歸來昨忽以詩

函見投尋繹詩旨則今年乃先生八秩華誕預謝
賓客之詞不第性情謙退亦且詞意悱惻痾瘵在
抱溢於言外詒山中葺影志興頽唐賦此呈教

煙雲過眼總無端四月江南麥秀寒楚水聚燐新碧血
琳琅新館詩卷五

古

鏡湖歸隱舊黃冠餉譁潰卒風潮易圖繪流民補救難
予髮如斯誠種種祝公杖履健加餐

敬仲贈詩率爾奉酬

滑滑泥塗笠屐兼墨磨硯匣蘸毫尖天光暗釀迎梅雨
雲笈精參秘帙籤壽屆期願能健步朱楮達尊齒爵尙
鳴謙李玉黍離麥秀頻增感翻手寒涼覆手炎

儉歲庖無肉味兼題糕妙句鬪新尖敬仲和詩有鯉庭以菜豆糕

索果孫曾隊鄰架書存甲乙籤三壽作朋詩祝頌六爻
皆吉卦占謙震雷百里甘霖沛穩卧羲皇滌夏炎

湖山小隱畫圖中
兩笠煙蓑漾釣篷
去薛兵烽宜戒備
在陳吾道竟終窮
壓裝誰見瓊瑰贈
列炬明開攘奪風
獲盜供言當時聞
瓶廬老人宦囊全
寄子家陳俞遂並遭
搶劫瘦影自憐羊
祜鶴客來未肯舞
麤糶

金匱梅村許少期鍊師巨楹預徵八旬壽詩

南極星輝壽者身
十年以長健精神
鍊師長論十年七籤雲笈

參丹篆四載春明觀
紫宸戰後河山風
鶴警樽前詩

酒鷺鷗隣尚湖若
訪煙波棹重認黃冠羽服人
論於今歲元旦

亦改道家裝服

維莫之春賦載陽昔年棹訪讓皇鄉
光緒丙申年事五雲樓閣

琳琅新館詩 卷五 五

經聲靜半榻琴書鶴夢涼
吾道由來尊漢宋
世情何限

感滄桑讀君岷景還
山草不話梅村話
石香鍊師詩詞均係吾友

劉君石香校刊

冠兒賦悼亡八律詞旨悽咽憶予自戊申抱奉倩

之戚已閱四年餘矣撫今追昔觸緒成詠

十年前事又重提
觸我琴絃握管悽秋近
關河驚見雁

夢回風雨忽聞雞
仙山馭氣尋樓閣
倩女離魂記雪泥

謂入冥記若許金環能證約
未須譟語斥無稽
外間忽傳亡

男子此言不知從何而起

翁貞節婦王氏詩

梧桐葉落早涼新
雪虐風饕百鍊身
抱主誓堅同穴志
撫孤隱痛未亡人
丸和熊膽分宵課
果證蒲團契夙因
此日禪禪成佛去
寒雲悽斷尙湖濱

疊接許少期鍊師詩函賦此卻寄

袷衣初試怯新涼
耿耿秋宵玉漏長
枕上每懷良友契
夢中時惜好詩忘
月華水浸蟲聲脆
露氣花蒸桂院香
起讀燈前梅里志
卧游如到讓皇鄉

壬子九月初一朔已未第四曾孫炳恩生長孫樹
勛所出也詩以誌喜

湖山招隱賦閒身
喜得曾孫第四人
繞膝兒童聯作隊
琳琅新館詩

卷五

六

誕生月朔並逢辰
長孫并其子女
誕辰並皆月朔
黃花許踐重陽舊
白髮頻勞筆墨新
謂昆遜敬三
漁時相唱和
獨愧年荒成歉歲
未容買

醉玉壺春

歸中表仲陶明府
兆鎔
歸農圖

揮毫圖畫寫荆關
鴻雪因緣往復還
歸計祇攜琴與鶴
渡江迴望富春山

酬唱西泠酒國春
神仙慧業宰官身
秋風重觸蓴鱸感
來伴煙蓑雨笠人

風雪殘年冷逼身
欵門置酒草堂春
親情形影燈前夢
重話江南劫後人

壬子除夕

自署虞陽老逸民尚湖煙水且垂綸名山著述流傳少

梁漁詩詞幻夢輪迴恍惚真入冥勞悴未遑徂暑月怡情差

慰卧雲身大千世界恒沙劫換取黃冠羽服人

癸丑

七秩重開晉一年鴻鈞氣轉早春天蠶糞老鶴猶翔舞

浩蕩閒鷗穩宿眼索果笑看童稚樂讀書尤望子孫賢

湖山閱徧滄桑感磨鍊由來傲骨堅

琳琅新館詩

破帽蒙頭睡燈昏夜未央一寒真至此十指凍如僵絮

被蠶眠繭山城雁叫霜西風聲益勁明日盼朝陽

我讀懷清傳賢哉殉以身生男遺襁褓絕粒病吟呻雪

鍊霜凋操夫亡子幼人夜臺應慟哭何語慰嚴親

沈君稱蓮

痛女之亡

陳編旌節錄存歿姓名虛代遠年湮後蟬殘蠹飽餘滄

桑時事感懶散世情疏矯矯邦人士春秋筆法書

潘君毅遠

為之作傳

自題談經演道圖

自題談經演道圖

改名松鶴介壽圖宗受宜珙繪吳叔鳴鈞補圖

瀛海曾尋卻老方世情朝暮變炎涼慚無金液還丹訣
敢道前身周紫陽

洞口桃花不計春那知塵世漢還秦七籤妙蘊參雲笈
臣本蓬壺侍從人

山中猿鶴久忘形手校黃庭內景經戲語及門羣弟子
師尊可是老人星

畢現鬚眉壽者身菱花攝影鏡中春兒曹環立孫曾侍
大好同堂四代人

歲在癸丑暮春旣望吳江麗小雅自吳門過訪偕
琳琅新館詩卷五 六

同王聘良茂才朝贊佑仲出北郭由三峯達輿福
旋登桃源欄觀瀑尋天龍泉得詩兩律

山中寂靜寫黃庭落落交游曙後星海氣曉開村樹綠
嵐光晴餉寺樓青鐘魚漫證蒲團果龍象閒繙貝葉經

維暮之春年癸丑永和雅集繼蘭亭
筍輿重復叩禪關人自三峯頂上還丈室煙霞徐品茗

老年腰脚倦登山詩尋唐代碑留劫法演生公石點頭
試向桃源招隱去滄桑世外隔塵寰

梁溪鄒翰飛明經發於光緒癸未二月偕余成之
識君於上海徐家漚越九年辛卯相遇於秦淮道

上計訂交者三十一年癸丑立夏後四日忽從申
江來此過訪遇諸塗彼此若不相識出懷中刺乃
恍然悟次日君獨游虞山劍門歸後約陳有庚屈
小卿沈公周茂才汝瑾小飲酒樓卽席成詩兩律
越宿別去詒從而和焉

南飛燕影北飛鴻話舊樽前酒不空十里晴嵐迎郭外
兩湖煙水背城東劍門草長懸崖綠齊女碑尋夕照紅
頭白相逢人不識兩蓑釣艇訪漁翁

馬蹄只判後先鞭翰墨因緣記昔年櫻筍登肴宵繼燭
詞章對客燦成篇狐嘯梟嘯紛爭隊羽服黃冠敢詡仙

琳琅新館詩

卷五

五

春水綠波春草碧心隨帆影渡江煙

佑仲得康熙九年羅昭諫集舊刻版首尾間有殘
闕向敬仲假原刻本補刊完善昨以新印本見贈

感賦兩律

江東甲乙集淮海寓言書歸夢鄉關杳浮生兵火餘黍
離行邁感世亂宦情疏亮節高風遠搜殘老遯漁

霸圖錢武肅崛起據臨安吳越三分定河山半壁完讒
書傳世伏諫草討梁難展卷新城集雨餘麥秀寒

瘦鶴詞人鄒君翰飛由申江疊韻寄詩仍以原韻

奉答

世事由來雪印鴻舉頭四望海天空側聞突騎窺遼左
誰許分疆劃陝東武漢戰餘燐聚碧皖吳兵警血流紅
晨星落落三漁契敢詡衰年矍鑠翁
劉祖誰先早着鞭醇醪誼合兩忘年開緘漫敘平安語
狂草高吟急就篇海外蓬瀛尋縹緲雲中雞犬望神仙
劍門山色如相迓梅雨初晴綠似煙

癸丑夏秋讀史雜詠

異軍突起據潯陽六月戎車喋血忙破碎煙花南部記
有人尙聽譜霓裳

月黑荒郊鬼聚燐戰場血濺草痕新崑岡玉石成焦土

琳琅新館詩

卷五

三

一炬恒河沙數人

畫閣層樓歌管春隔簾花影靚妝新劇憐夜半軍聲起
糜爛香閨鼠竄人

華亭鶴唳漫停踪刁斗聲中夕舉烽知否河橋軍勢敗

秋風秋雨憶吳淞

秦淮兵潰陣雲昏天塹長江接海門一笑隻輪誠不返
莫教元夜奪崑崙

山城涼月夜糢糊忽聽鄰居鬪者呼狹巷短兵人露刃

那容片語退萑蒲

石破天驚殺氣團敵軍如墨伏口乾吳宮漫教夫人戰

巾幗皆從壁上觀

兵警壬寅癸丑春

指道咸年間事

大江南北慘庚辛傷哉金粉

繁華地劫難都因造劫人

班馬聲中樂鳥烏齊師夜遁敗殘驅弦高倉卒迎郊犒

伐虢先愁假道虞

禾稼焦枯土不鬆靈祇殿宇冷中峰炎天襪藏人揮汗

又迓西山太白龍

河山誰造劫紅羊血染金陵迭戰場讀到哀江南作賦

六朝城郭感興亡

昇潤吳淞達暨陽礮臺高峙重江防狐烏赤黑紛南北

琳琅新館詩

卷五

翻向殘黎索餉忙

主

開門揖盜倒持戈草木皆兵市虎訛妙計儘容鄰國壑

由來世上白圭多

大張旗鼓月東升會聚羣兒稚興增煮鶴焚琴煞風景

突來山鬼夜吹燈

桔槔戽水汗如潮萬頃良苗日炙焦試較城中年少子

清人河上漫逍遙

牆欹破屋炊無米鬼泣荒郊悔作人六十年來三浩劫

秣陵戰血聚陰燐

飛揚旌旆列艤艫燕子磯頭戰壘紅不盡流離兼瓊尾

飛揚旌旆列艤艫

燕子磯頭戰壘紅不盡流離兼瓊尾

燕子磯頭戰壘紅

不盡流離兼瓊尾

不盡流離兼瓊尾

飛揚旌旆列艤艫燕子磯頭戰壘紅不盡流離兼瓊尾

飛揚旌旆列艤艫

燕子磯頭戰壘紅不盡流離兼瓊尾

燕子磯頭戰壘紅

不盡流離兼瓊尾

雁聲淒緊渡江東

斷垣殘壁石搜根氣識金銀百不存世上蟲沙歸浩劫
杜鵑啼血夜招魂

一現香曇事渺茫漫論齊物與彭殤金環儻證秋宵夢

忍聽蛩聲叫月涼傷炳恩也
時癸丑八月十九癸卯日事

秋雲掃盡雁行疏夜接申江老友書戰後河山尋舊跡

遺民多半劫灰餘接申江鄉
翰飛書

歸公恒孝廉康廡遺像題後

木樨香裏雨初晴息影山齋景物清開卷同吟花萼句

試從圖畫認先生敬仲詩先成
詒補其闕

琳琅新館詩卷五 三

霽月光風氣似春傳神阿堵畫中身我從雪印尋鴻爪

重感滄桑劫後人

詩橐留題丙子年評章褒語燦雲煙粉榆耆舊今何在

無復琴樽話兩緣光緒丙子曾以舊橐請益於
先生極蒙獎借并題卷首

閒雲戀岫出山遲杖履追陪憶昔時童冠春風門巷熟

漫勞漁隱爲題詩先生胸懷高曠
春官久不上

寤歌一首示佑仲

喔喔雞聲夜嚮晨夢回轉側獨眠身秋風蓴菜思鄉味
曉月蘆溝證舊因絳縣儘容推甲子丹經漫學守庚申

田園劫後傷瀛海多少寒衣未製人

疊前韻再簡有庚

漫論月夕與花晨放浪煙波自在身白髮漸看憎老態
黃冠儻許證前因黎民劫慘憐辛亥荀令神傷記戊申
籬菊傲霜松耐雪賦詩尤籍註詩人公註拙詩
心心相印

長孫樹勛亡後屏棄筆墨近三閱月矣撫序感懷
雜書誌慟

痛定重思涕淚并殘燈孤館太淒清早摧蘭玉空成夢
傷炳思也難把彭殤強慰情病骨支離纔四日金環恫怛證
三生劃開冥漠人何處忍聽閨中哭失聲

干戈滿地阻鄉關魂斷江南夢寐間彈雨橫飛燔節署

琳琅新館詩

卷五

三

謂嶺南冰天衝雪走燕山謂汴梁依人幸得同車載航海纒

能脫險還此日歸來齊額手翻緣驚喜淚潸潸

傳家詩禮舊趨庭疏淪聰明見性靈脫手詞章嫺翰墨
揮毫圖畫寫丹青泮宮馳譽膠庠秀宣德兼參道藏經

悟澈浮生名與利壯懷浩蕩極滄溟孫以舉優未與
屢思海外之游

一現優曇痛不支炳恩殤逝
甫及周歲慰情道蘊當男兒倚牀誤

服君臣藥握手難聽哽咽詞筆墨尙留新畫絹唱酬猶
檢舊題詩過情未免頻增慟存者吞聲逝者悲

癸丑除夕

誰許湖山穩寄身兒曹漫寫帖宜春田園寥落仄分少

第宅荒涼界址溼謂迎春層齒忍教虞號視孫曾猶喜

弟兄親最高樓閣凌虛峙蠹蝨由來毒噬人風水關礙傷我長孫

濡筆至此

甲寅

甲寅元旦

金書重展漫精研雲笈琅函手自編富歲但求江左熟
兵端願息秣陵煙湖山依舊人增感杖履閑游我引年
說與孫曾勤向學乃翁差幸道心堅

冠兒芹孫俱成清明卽事詩詞旨悱惻乃感懷勛

孫之作余亦觸景成詠

琳琅新館詩

卷五

五

嫩晴天氣換溫涼春日遲遲賦載陽插柳節逢寒食雨
捕魚人老水雲鄉一庭蕉影抽新綠半院藤花落古香
明旦扁舟西郭去挑燈夜和感懷章

清明後五日西山展墓挈次曾孫炳宸同行放舟

出西郭乘山輿歸城

晴莎路軟踏香塵節過清明被禊辰鷗鷺有情懷昔夢
湖山無恙感詩人三橋楊柳迴環岸一棹煙波浩蕩春
沂水舞雩歸詠樂游偕童子見天真

梁溪侯鏡清浣青兩仲久不通信賦詩代柬

百里龍山接梓桑扁舟來往孟偕梁墓門肅拜尋碑誌

外舅侯伯芳公諱維甸外姑鄒太甥館歡迎熟壻鄉翦
君墓在惠山嚴家棚下馬鞍塢
燭欣聯親戚話開樽酒冽惠泉香誰懷尙父湖邊客試
問元方與季方

春夜卽事雜詠

一燈分照叩重門踏破青苔兩屐痕索果曾孫迎白髮
垂頭老嫗夢黃昏閒中偶課經兼史方外何妨弟與昆
失笑齰聲酣卧穩莫將瑣事細評論
東郊老宅劫滄桑三徑歸來已就荒梵宇廢基犁菜圃
沿河有東偏已被二郎廟墓田宿草冷斜陽人佔作墓城關道遠隣居熟
荳莢花開麥隴香記得迎春門外路晏清橋畔舊圖詳
琳琅新館詩卷五 五

寄有庚書去後有作兼述近况

漫論員嶠與蓬瀛方外何須問姓名儘許承歡奉曾哲
未妨傳食笑彭更上句頌公下句若對溪人聚宵聯
句雲笈函開夜對檠僕夢模糊先熟睡哈臺臥榻盡麴
聲世說新語許深字思重修文上牀便哈臺大麴先賢言子墓詩次韻賢裔調甫明經家齋

徵詩

聲教通吳會千秋俎豆尊東南文治啟祠墓古風存琴
鶴分廉俸雲初企德門清權坊對峙呵護漫同論
扶輿清淑氣祀典海虞尊射圃荒畦闢絃歌雅化存湖

光吞夕照山勢抱城門回首庚申劫崇封舊事論

風狂雨驟天氣頓涼書寄有庚

雲樹曉蒼蒼秋宵漸覺長炎熇三伏暑風雨一天涼春
影楊花夢禪心梔子香南飛霜信雁嘹唳渡江鄉

單葆卿明經

良玉

自怡聊存待刪草謹書於後

落落晨星待曉天愴懷老友散如烟蓬瀛風退三千里

先生屢蹟南關光緒已卯力薦不售

金石交深四十年養靜山中人臥病

澄懷方外佛參禪

先生晚年病瘠養靜詩多禪悅語

黃墟宿草重增感

重校遺編倍惘然

書囊琴劍壓裝輕赴試頻年結伴行春水綠波吳苑棹

琳琅新館詩

卷五

五

秋風黃葉石頭城鴻泥印雪留陳迹鷗鷺馴沙續舊盟
月皎桂秋香滿院露蛩淒咽夜涼聲

龐劬老集耆年十八人作者英會譚讌攝影 敬

陪末座歸後成詩時甲寅十月十八甲子日也

霽月光風滿座春由來五福自天申滄桑漫感歐兼美
齒德誰分主與賓絳縣年齡掄甲子壽星龍馬健精神
圖成認附羣公列同是耆英會士人

陳有庚明府七十壽辰自述六律徵詠賦詩奉祝

湖海元龍老更蒼宦成擺脫利名韁尊鱸鄉味歸張翰
泰岱游踪健向長三月鶯花攜酒榼六橋煙柳感滄桑

西山爽氣朝撐笏那用春雲出岫忙

清歌一曲濯滄浪漫詠葩經板蕩章賦稅逼人漁竭澤
雁鴻翔野月飛霜歐雲美雨棋爭局豆剖瓜分地劃疆
瀛海橫流公莫問華顛矍鑠頌康強

薛靜安醫士靜遠鍊師坎離既濟圖合照

肘後奇方着手春童顏鶴髮健精神坎離既濟調丹鼎
合寫填簾畫裏人

五嶽樓前杖履親桃花爛熳滿山春元都道侶休相訝
我亦黃冠羽服人

甲寅除夕

琳琅新館詩

三

雲水襟懷浩蕩春壺觴團聚草堂陳鯨鯢海外方爭觸
饑饉中原更薦臻竭澤而漁愁賦重砮鴻徧野念民貧
石樵刊附琳琅後留待旁觀位置人

古人謂詞者詩之餘異曲而同工信矣今之填詞家凡
矜修潔者則曰吾姜張也趨側豔者則曰吾秦柳也驚
豪放者則曰吾蘇辛也其莽然雜出不成一家者且曰
吾固無所不賅也其然豈其然歟光緒壬午梁溪老友
余君成之來遊虞山下楊挹青樓成之詞宗也篋中攜
有同鄉丁杏舫司馬紹儀在閩選刻國朝詞綜補稿
評點丹鉛積如束筍並囑成之隨時隨地代蒐名人詞
稿以備補刊成之固深得詞中三昧每於酒闌燈炮選
調選聲并強余同作余不得已效顰數闋成之卽錄稿
寄閩不謂杏舫司馬竟將余詞附諸簡冊遙遙數千里

挹青樓詞鈔

一

書覆成之意甚厚焉仇山村云鉛汞交鍊而丹成情景
交鍊而詞成自非好學深思不足以語此余於詩餘一
體未嘗刻意爲之偶然摹倣偏得賞音奈能無自愧也
耶抑豈翰墨因緣殆有夙契存耶
光緒二十七年歲次辛丑春二月漁隱自識

余昔在方丈遊虞山下楊挹青樓成之篋中攜

吾固無所不賅也其然豈其然歟光緒壬午梁溪老友

余君成之來遊虞山下楊挹青樓成之詞宗也篋中攜

有同鄉丁杏舫司馬紹儀在閩選刻國朝詞綜補稿

評點丹鉛積如束筍並囑成之隨時隨地代蒐名人詞

詒於詞學素未究心此卷乃光緒辛丑劉石香司
馬點定之本旋因音律未嫻久亦置之宣統辛亥
春仲陳有庚明府歸自浙中蒐羅舊稿壬子長夏
因索此卷重爲刪正迺命兒孫輩錄出昔袁隨園
不耐學詞嫌其必依譜而填限於聲調詒年已七
旬屏棄筆墨矧今時局變遷奚敢妄談南唐北宋
移宮換羽哉

漁隱再識

挹青樓詞鈔

二

卷之二

詞學之盛衰全視氣運之興廢與夫筆墨之工拙

不極筆情數其必為常而製別紙羣歸歸乎曰小

因索此卷重爲刪正迺命兒孫輩錄出昔袁隨園

春仲陳有庚明府歸自浙中蒐羅舊稿壬子長夏

因索此卷重爲刪正迺命兒孫輩錄出昔袁隨園

春仲陳有庚明府歸自浙中蒐羅舊稿壬子長夏

挹青樓詞鈔

昭文 俞鍾詒 調青

浪淘沙

借梁溪劉石香司馬繼增余成之少尹一釐兒

子冠羣游西城樓閣

花氣靜薰香綠暗紗窗畫長夢醒黑甜鄉儘有好風來
入座境地清涼心口自商量去去何妨出門一笑指
斜陽試向石梅看洗馬小立垂楊

前調

西郭霽斜陽閒步徜徉芊綿芳草綠池塘還向招真尋
挹青樓詞鈔

道侶遙指紅牆風雨急倉皇雲罨山光歸來嵐翠濕

衣裳倦倚挹青樓上望暮色昏黃

蝶戀花

同人游小石屋用蘇東坡別荆溪詞韻

如畫青山城外路放棹西行溪水偏東注驚起沙汀雙
白鷺呀啞艣盪雲深處樽酒流連相共語願結茅茨
招隱湖濱去種秫只須田十畝閒中領畧煙波趣

前調

和成之詠山蝶

遠嶂時開雲萬疊跌坐山門靜對蓮臺佛長嘯一聲天

宇濶禪心朗似寒潭月 妙手憑誰圖髮髻栩栩如生
本是花中活蝶夢莊周周夢蝶羅浮舊事何須說

滿江紅

壬午除夕

雪滿天涯問詩思灞橋多少算便是桃符新換嶺梅開
早放浪閒身風月侶蹉跎壯志湖山老喜慈暉長護北
堂春榮護草 名與利休縈繞仲與季同歌嘯歎名塲
塵海不如耕釣困頓英雄餘感慨炎涼世態成顛倒况
年來避債更無臺真堪笑

摸魚兒

挹青樓詞鈔

二

畱別石香成之時癸未正月二十五日也

黯銷魂綠波春水驪歌重唱南浦人生易感惟離別明
日扁舟歸去君且任君記否春郊試馬西城路情深幾
許待楊柳三橋鶯花四月招取舊游侶 長安道歷盡
風濤海颶天涯應倦行旅名疆利鎖何勞絆浪說寄人
處廡休自誤須省得湖山許我盟同主樽前對語願春
雨耕雲秋汀釣月相與狎鷗鷺

前調

梁溪歸後石香成之疊寄詩詞復倚此解奉報
白茫茫滿天風雪梁溪還憶孤棹萍踪聚散原無定一

笑放開懷抱陳榻掃猶記着寒宵分照銀缸小雪泥鴻
爪喜近水樓臺賞花儔侶人羨德星耀臨歧語莫悵
分離草草吟牋添得多少天台漫說神仙境劉阮儘堪
重到春正好休負卻曉風殘月垂楊道鷗波杳渺認石
屋峯嵐湖田煙雨商畧譜詞稿

一翦梅

題余成之影桃盒詞稿

流水桃花夢漫論影也銷魂聲也銷魂湘簾高捲掩重
門月上黃昏愁上黃昏低按紅牙淺進樽語又溫存
性又溫存曉風楊柳指遙村山抹雲痕雲抹山痕

挹青樓詞鈔

三

菩薩蠻

題余成之覺夢詞是夕大風雨

山樓雲氣濃如墨紗窗風雨眠難得燈下讀君詞沈吟
不語時天涯春又送喚醒揚州夢流水各西東桃花
前度紅

金縷曲

甲申春仲寄梁溪裘漱笙贊府

廷楨

君尙懷儂否記當年龍山踏雪上元燈後意氣凌雲湖
海士邂逅相逢攜手試握管聽冰詞就蘭檠催人雷
不住黯銷魂攀贈旗亭柳長揖去盼書久壯心未已

頻澆酒醉膏騰高歌擊缺唾壺壺口丹鼎成砂非易事
世上神仙安有許明月清風爲友聞木樨香來踐約指
蟾輝三五團爍後重舉爵爲君壽

前調

得漱筌和詞再疊前韻代簡

君莫神仙否怎能猜重來爽約鯉魚風後七寶樓臺成
片段儂亦揮毫信手任草草雲箋書就還恐詞中言不
盡試登樓凝望青青柳離緒觸悵然久留琳瑯預擬安
排酒待君來孤帆穩渡野菱塘口莫更征衫添客感佳
句奚囊應有好攜贈湖田詞友若果千金承一諾定先
把青樓詞鈔

四

教稚子柴門候詒頓覆頌康壽

前調

書南滙楊步雲茂才嘉煥悼亡吟後用納蘭詞

原韻

懷遠情何已儘銷磨圍爐煮雪夜寒天氣深巷連朝暗
屐齒燈市元宵過矣試領畧梅花香味月魄冰魂無覓
處看階前竹影風搖地吟未就稿頻棄神傷奉倩詩

遙寄想當時空闌人杳小闌悽倚河滿一聲雙淚落豈
忍瑤琴重理歎塵世有誰知已那得鴻都來羽客證相

思海上仙山裏銀鈿約漫提起

前調

贈錢塘徐香蓀

銘彝

絕妙園亭景繞廻廊疎籬幾折漫抄花徑小小池塘開
水榭風動波痕不定更盪破西城山影待到秋來邊月
上指蟾輝高出平峯頂涼露重竹窗靜東郊舊址還
重省感平蕪寒鴉古木夕陽都暝卻羨煙霞閒供養還
倩詩人管領况占得神仙佳境試展琳琅題句在碧紗
籠佇盼瓊瑤贈君倘許敢爲請

前調

慰沈公周茂才

汝瑾

悼亡用劉石香原韻

挹青樓詞鈔

五

識語從何起黯傷心連宵猛雨落花風裏四載因緣成
短夢一病支離牀第豈妙手回春無計精衛應難填憾
海料泉臺會得人間意塵世念忍捐棄蒙莊作達誠
非易最無端華年錦瑟悼亡吟李海上仙山原縹緲劍
合金釵休矣空隱約樓臺之際親老怡顏須慰藉試循
咳且補笙詩擬珍重語漫揮淚

金縷曲

玩劉石香詞境圖總括大意倚此題簡

繪出新詞境似曾經秋千院落碧梧金井波暖池塘開
水榭兩兩文禽相並喜曲折斜通苔徑門掩梨花深夜

語茜紗窗暗透疏香冷燈影淡畫簾靜 曉風柳岸無
邊景指征途荒村亮月宿醒初醒霜老秋江蘆荻瘦落
葉蕭蕭漫聽數幾點斜陽鴉影縮取煙雲成尺幅與靈
芬翰墨緣同證閱展卷鬪香茗

金縷曲

和芙蓉花史古心原韻

按花史名林愛雲自云
水章姓吳江之蘆墟人

性敏慧嫺詞翰自幼墮落厥苦風塵適梁溪余
心禪越數年忽失主人權遂鬱鬱焉不得志而
逝有金縷曲三詞怨薄倖集唐四十四首纏綿
排側哀感頑豔有爲之傳者蓋惜其才而憫其
遇云

盼得音書至怪無端釵鈿密約頓萌他志零落殘紅都

挹青樓詞鈔

六

不管顛顛芙蓉花史更難定天涯游子前度漁郎增別
感憾春來徧是桃花水潭影碧鑑清泚 妾生薄命今
如此種情根海枯石爛敢云懷二倦掩同心柅子集獨
背寒缸凝思問捐棄將儂焉置爭說迷樓風月好豈行
行別有畱君地錢暗卜信頻伺

前調

疊前韻再和芙蓉花史古心

又遞雙魚至試開封梁溪漁隱鷺盟鷗志七寶樓臺成
妙手重見芙蓉花史真壓倒心禪余子不管寒宵呵凍
筆注丹黃硯匣頻添水窗外月淡如泚 世間女子才

能此徧天涯風塵物色未容逢二我亦司空曾見慣
夢偏增離思任團扇秋風閒置若道瓣香遙檢在漫掄
揚慚感無餘地梔子集浣薇伺

金縷曲

屈承壽咸豐庚申八月入贅邑之老吳市十月
二十日賊虜至夫婦遂同縊吳氏遇救得甦而
殉夫之志矢之彌堅越月餘家人防守稍懈仍
縊死事聞旌如例

殺氣橫天地慘昏昏愁雲風捲倉皇兵騎百戰河山餘
碧血半壁江南休矣遽並宿鴛鴦驚起夫壻孤忠存報
挹青樓詞鈔

七

國誓捐軀蔓草荒煙裏生與死視如寄 黃泉忍見
郎君死痛肝腸花飛玉隕同時雙縊縵絕重甦魂夢顛
血染啼鵑揮淚願至死無忘初志 天語褒嘉隆綽楔
薦馨香俎豆明禋祀尙湖水鑑清泚

金縷曲

乙酉中秋對月放歌時新得長孫 樹勛

月到中秋好把金樽團圓三五放開懷抱憶自奔馳南
北後閱徧江山多少添幾許燕臺游草子婦承顏妻病
起喜含飴快得孫枝早重舉爵漫歌嘯 秦淮今夕應
同照一年年涼蟾冷笑少年人老天上廣寒宮

第羣仙齊到待譜出霓裳新調潮送揚州詩夢遠縱遙
程莫并音書杳鴻雁影露華悄

滿江紅

丙戌春日追憶鴻雪雅集用成之韻卻寄

慷慨當歌休錯認吟風嘲月也曾向長安道上瞻雲就
日豈有神仙原誕妄銷磨歲月成悠忽便寒宵把劍淬
霜鋒張鬚髮 詩酒舫煙波濶金粉地繁華歇對山光
水色精神都活試上層樓全勝攬高吟合座先聲得待
他時鴻雪續前遊從頭說

挹青樓詞鈔

八

斷朝離運餘流

水邊離離晴波結土屋數全覆幾高台合巖長

日豈查睡睡泉流

刺刺當燈未散

力到中因返春日

燕莫後音書杳

鴻雁影露華悄

滿江紅

第羣仙齊到待譜出霓裳新調潮送揚州詩夢遠縱遙

石糖神廟

甲寅九秋月

宗嘉樹題



虞陽琳琅新館
西涇俞氏開雕

長孫樹勛天資穎敏弱冠弄柔翰帖括之餘喜嫺吟詠
迨游庠後兼精繪事丹青花鳥靡不究心科舉旣停遂
有游學海外之志重闡以道遠力阻之宣統庚戌七月
偕次孫同游粵東遵海而南遠抵廣州幕中無事每以
兄弟聯吟詩函次第遠寄筆墨亦漸精通次年辛亥七
月復游汴梁沂江而上乃甫抵省城坐席未暖八月兵
事遽起南北不通眷念重闡乃由汴梁走彰德保定繞
京津航海南還十月雪中脫險抵家額手相慶壬子居
母憂在琴南學校爲國文教員辰出酉歸精勤不怠燈
右研究丹經勇猛銳進乃癸丑十月病甫三日竟至不

石樵遺稿

一

起所作詩文隨意抒寫漫不留稿次孫樹春於零縑寸
紙中蒐得詩二十八首彙而輯之顏之曰石樵遺稿吉
光片羽他時刊附琳琅詩集之後樹勛年僅二十有九
雖青一衿而年已不待蒼蒼者天何遽奪之去耶昔杜
牧序李賀遺詩歎其才之絕出哀其年之不永而吾於
吾孫亦云然濡筆書之不禁潛焉出涕也

甲寅長夏漁隱并識

石樵遺稿

昭文 俞樹勛 伯銘

庚戌

偕仲祁弟樹春將赴粵東賦此時宣統庚戌七月
秋風吹送五羊城快駛飛輪賦遠行庾嶺梅花香入夢
羅浮山影熟知名霜臺司臬威懷德瀛海觀光弟與兄
此去稟承尊長訓天涯好慰倚閭情

八月朔抵廣州途中卽事敬步 家祖大人韻

橫海駕飛輪天涯作客人雄圖懷北固鄉夢繞南閩梳
洗曾勞手饑寒自衛身羊城今夜月吾念白頭親

石樵遺稿

初至廣州和沈企棠丈棠韻

陽春白雪自高歌學步休文費琢磨座上劇談容我共
燈前屬對仗人多鄉書猶幸通魚雁詩敵相逢整鸛鵲
料到重陽風雨後故園山色滿巖阿

辛亥

沈企棠丈買酒招飲卽席出斜字韻詩屬和勉成

奉答

杯酒縱橫日已斜微醺猶覺海天賒相機以作且從俗
隨遇而安便當家長吉詩囊欣附驥元章書法豈塗鴉
吟成不計工兼拙擲筆還烹石鼎茶

旅夜有懷再疊前韻

更鼓敲殘鬼魄斜沈沈漏滴夜窗賒詩情且寄長隄柳
旅夢頻歸故里家盼切親朋書寄雁絕無仕女鬢堆鴉
粵東女子無梳髮髻者阮囊羞澀由來慣不飲屠蘇只飲茶

正月三十日得次女炳南 祖父以詩寄示敬步

原韻

鳳律初更歲紀新紅牋喜報嶺南春不逢辛日休愁亥
未遇庚年亦降寅詠雪又添吟絮女望雲重念倚閨人
羅浮山色珠江月那及庭闈樂事真

三疊斜字韻呈沈企棠丈

石樵遺稿

二

珠江環抱粵山斜欲買村醪不我賒世態易諳惟作客
人生至樂是居家語櫓留住春歸燕依樹連翩暮集鴉
差恨流杯修禊日滿城風雨正麻茶

三月三日雨邵文卿太世丈元晉以詩見示敬步

原韻

踏青伴侶約重三三月三日爲重三見野客叢書底事長天雨正酣蠟

屐手攜游海外瓣香膜拜憶江南消閑遽阻花田訪地名

一名花田見色應愁柳陌含爲勸康公休敗興不如沽

酒賞茅庵

祖父挈仲祁弟至大河訪陳寅生姻丈文浩寄詩

海外懸擬其景謹步原韻

孤舟載雨渡山塘
攜屐來登垂裕堂
陶徑定知留客住
郇厨或恐擾人忙
潮添溪水當門活
風散庭花繞室香
料得樂安賢太守也
應下榻待徐郎

歸途帆飽一湖風
山自西移舟自東
差幸談空無俗侶
更欣娛老有奚童
波分楊柳三橋綠
岸簇桃花數樹紅
遙想扣舷吟入妙
天涯應復念征鴻

廣州雜感

客裏光陰轉蓬空
懷壯志走西東
中原人物誰錚鐵
濁世功名半臭銅
亞雨歐風悲國事
吳山越水寄詩筒

石樵遺稿

三

探花橋畔鎗聲驟
竟使將軍血濺紅

癸丑

晚晴

晚風吹散雨模糊
天半朱霞若錦鋪
岸柳垂青牽荇藻
池荷分綠映菰蒲
夕陽樓閣蛛添網
新月簾櫳燕護雛
枕上詩成徐入夢
曉來林鳥隔窗呼

久雨和蔡慰農丈

承霖韻

爲恨天公不放晴
清游阻我入山行

毛潤之丈曾有游維摩寺之約

雲蒸水氣連江黯
雨挾雷聲百里驚
添到陂渠新漲活
聽殘池館夜燈明
宜都鞭石由來古
認取陰陽物外情

再疊前韻呈蔡慰農丈

一雨瀟瀟久不晴
聯吟詩社我遲行
陣雲團絮峯巒隱
鄰樹排牆暮夜驚
漣田風籬笠戴蓑披耕綠
野蒨肥櫻
綻屈朱明宵來只許談
風月莫把滄桑論世情

和瘦鶴詞人鄒翰飛先生改韻

芰荷香裡迓征鴻
料得陳蕃楊尙空
一鶴廻翔塵壑外
五星聯聚井垣東
談瀛海客詞飛雪
分韻騷壇燭剪紅
回憶酒樓宵醉月
主賓但是白頭翁

利鎖名韁懶著鞭
山中猿鶴久忘年
游踪風雨西泠棹
學道琳琅內景篇
健筆獨撐詩世界
老懷猶喜酒神仙

石樵遺稿

四

劍門翠撲湖田柳
長伴漁翁釣暮烟

再呈瘦鶴詞人

鵲噪簷前報曉晴
客來不速款柴荆
滄桑氣運歸塵劫
湖海雄心託酒兵
儘許漁樵閒作伴
未容沮溺耦而耕
諸公合座歡迎會
珍重頻年結契情

迴翔老鶴健精神
話舊何分主與賓
百里湖山供翰墨
十年琴劍走征塵
湘南冀北游踪溯
湖霽月光風滿座春
松氣懸崖涼似雨
錦峰應亦識詩人

靜好樓望月有感

登樓望明月雲護
月未起須臾雲影開
月在天心裏我

心淨無塵月亦清無滓澄輝大地明萬象曠如洗秋心
了無着清機發玄理美人在天半娟娟隔秋水

搖搖燈已昏迢迢夜方丙月華流素天斜度半窗影我
家樓上月不異湖橋景見月感賦詩詩思隨月引宵深
月倍明月明宵更靜遲遲抱月眠月落鐘催醒

秋霖猛注旭日初開曉偕仲祁弟舟至小石屋游
秋雨碎庭蕉涼颺戰窗竹繁聲互入耳欲睡不能熟荒
雞催曙天急起靚晴旭我與我仲氏盥漱晨餐粥蕩舟
出南關涼燠違世局一峰插天高萬綠淨如沐我舟水
聲飛來舟舳聲促勞勞感平生煙波小結束

石樵遺稿

五

虞山分兩面西去山尤青白雲棲石屋鶉鵠峰亭亭太
公昔釣隱荒誕語不經我來素熟習移步忽換形秋霖
五日猛高屋水建瓴數十竿銀竹倒瀉水晶屏虛空挂
瓔珞足底訶雷霆白龍上騰躍幻出山中靈

尚湖舟中

沙鳥風帆路渺茫出湖山在水中央煙村艤艇漁收網
鄰樹分陰土築牆時局眼前昏醉夢田園劫後感滄桑
三橋楊柳如相識應念冰天雪地忙

古里村歸棹

促膝不嫌窄人多聚一船艣搖山月近潮落岸沙圓水

鳥掠帆影江潭明夕煙東南風漸緊催作早涼天

題畫

口餐絳雪鍊丹爐誰寫終南學道圖四海瘡痍應待治
從君借取藥壺盧

古怪形容幻亦真乾坤風月醉鄉春蓬萊弱水須臾渡
一笑何關捷足人

追憶辛亥南還舊事書寄洛中諸友

秋風京洛道匹馬返天涯雨雪催殘歲山城隱暮笳書
通遙塞雁燈卜昨宵花滄海橫流感雲津電轉車

西山展墓道中偶成

石樵遺稿

六

我來西郭望天氣晝冥冥雲起樹陰合雨餘山睡醒石
梁虹卧澗水墨黛開屏展拜松楸墓摩碑宿草青

君去冬卜葬於朱家
洪與寶巖社塋相近

一笑開關豈只人

古到深容以水真
詩掃奇如藥壺盧

題畫

鳥掠帆影江潭明夕煙東南風漸緊催作早涼天

嗚呼吾尙念錄兄之詩耶兄之詩而僅至此耶雖然人有讀書一生積學甚富一旦搜其遺篋竟無一字及詩者是無詩卽無其人矣兄之詩雖僅寥寥二十餘首他日酒闌燈炏展卷長吟讀兄詩如見兄也兄幼耽吟詠弱歲累於制業不暇致力於詩顧居恒坐琳琅新館中常手一編淪苦茗置案上且讀且啜彼此悉心研究庚戌之秋游學粵東始與沈企棠諸君互相唱和窗下聯吟燈前鬪韻頗極一時之樂洛下歸來人事萬變去歲之春與蔡慰農李頌閣葉醉霞諸同人作詩酒之會按月不廢偶有所作輟以相示有一字不愜意必商酌再

石樵遺稿

七

四方謂兄詩學日益精篇什日益富而從此弟兄賡唱之樂有無窮焉迺於去冬驟攫惡疾三日而歿竟不得盡其所長嗚呼蒼蒼者天胡奪之速耶兄性素豪放脫略有所作示人外不自存稿故其詩散若零星稍見於同聲集中今春復從其契友處拾得數首長日無事恐其遺佚爰彙集一處重爲錄出僅得二十八首尙有流落在外姑待搜尋吉光片羽存其詩卽存其人也勿以其少而失之蓋此後茫茫有欲求其多而不可得者矣言念及此爲之黯然者久之

歲在甲寅年夏四月弟樹春謹錄并記

書大兒石樵遺稿後

俞冠羣

賸此叢殘稿，奚囊似太貧。豈知行役子，不儘作詩人。札雁函魚伴，零箋寸簡珍。挑燈重校讀，擲筆淚沾巾。

手錄伯兄石樵遺稿敬題二律於後

一年舊恨幾重提，手錄兄詩意更悽秋。到關河愁見雁，夢回風雨憶聞雞。嶺南鼓棹波翻浪，冀北衝寒雪滿隄。隻句零章太寥落，聯吟猶記挹青西。
挹青書樓名昔年予兄弟晨夕讀書也處

天與凌雲筆一枝，瀾翻不竭粲成辭。青燈空負生前志，黃絹徒留死後詩。問世敢云懷舊集，傳家應示讀書兒。

石樵遺稿

八

遺編錄罷重增感，秋雨秋風淚灑時。

天與靈筆一枝，瀾翻不竭粲成辭。青燈空負生前志。

賸此叢殘稿，奚囊似太貧。豈知行役子，不儘作詩人。札雁函魚伴，零箋寸簡珍。挑燈重校讀，擲筆淚沾巾。

一年舊恨幾重提，手錄兄詩意更悽秋。到關河愁見雁，夢回風雨憶聞雞。嶺南鼓棹波翻浪，冀北衝寒雪滿隄。隻句零章太寥落，聯吟猶記挹青西。

天與凌雲筆一枝，瀾翻不竭粲成辭。青燈空負生前志，黃絹徒留死後詩。問世敢云懷舊集，傳家應示讀書兒。

遺編錄罷重增感，秋雨秋風淚灑時。

天與靈筆一枝，瀾翻不竭粲成辭。青燈空負生前志。

賸此叢殘稿，奚囊似太貧。豈知行役子，不儘作詩人。札雁函魚伴，零箋寸簡珍。挑燈重校讀，擲筆淚沾巾。

一年舊恨幾重提，手錄兄詩意更悽秋。到關河愁見雁，夢回風雨憶聞雞。嶺南鼓棹波翻浪，冀北衝寒雪滿隄。隻句零章太寥落，聯吟猶記挹青西。

天與凌雲筆一枝，瀾翻不竭粲成辭。青燈空負生前志，黃絹徒留死後詩。問世敢云懷舊集，傳家應示讀書兒。

